

DES BRENGD'S

Lebrschbadzig - Medzlsubbig - Fildrkrautig - Ochsamaulsaladig
Bubaschbidzig - Nonnafirzig - Pfidzaufmäßig
Kudzeld's mi' em Noasaloch...
Zwiablkuchig - Biramoschdig - Ebflschnidzig - Zwedschgamarmeladig
Ofaschlubfig - Schnegganuadlig - Laugabrezlig
Schmeggd m'r 's uf dr Zong!

Griabaschmalzig - Schwardamagig - Baggschdoikäsige -
Hausmachrlebrwurschdig
Mohrakebfig - Bäradreggig - Zuggrwaddig
Kudzeld's mi' em Noasaloch
Guglhubfig - Hefezobfig - Dreibleskuchig - Weißwei'schorladurschdig
Flädlessubbig - Hasapfeffrig - Preißlbeerig
Schmeggd m'r 's uf dr Zong!

Vor 'em Broada scho' an Broada
Noach 'em Broada no' an Broada - DES BRENGD'S!
Vor 'em Schobba scho' an Schobba
Noach 'em Schobba no' an Schobba - DES BRENGD'S!
Fir Dambfnudla Doig oarudla
Von Mauldascha d' Fillung nascha
Jedr Daag a' Schbädzlesdaag - DES BRENGD'S!!